

– Ես զգում եմ այդ մարդիկներից. եթե գիտենայի, որ բողոքականներ եմ, ես բնաւ նրանց շեմքի վրայ ոտք չէի դնի: Չէ կարելի նրանց հանդիպել, առանց կրօնական վիճաբանութիւններ լսելու:

Նա գլուխը դրեց իր թելքի վրայ եւ լռեց:

Ես հաւատացած էի, որ Նա հանգստանալ չէր կարող, ես հաւատացած էի, որ նրան երկար պիտի տանջեր այն միտքը, որ եղբայրը զլանում է իր հարազատին եղբայր կոչել:

Ես վերադարձայ սրահը. վիճաբանութիւնը դեռ շարունակւում էր. ես երբեք չէի տեսել Ջալլադին այնպէս տաքացած:

Մէկը մեզ մօտ հասիրի վրայ պառկած խռմփում էր: Վիճաբանութեան ձայնից զարթնեց, գլուխը վեր բարձրացրեց եւ քնաթաթախ սայեց մեզ վրայ:

– Պօղոս եղբայր, զարթնեցի՞ր, – կարեկցութեամբ հարցրեց նրանից Թաթօս եղբայրը:

Պօղոս եղբայրը, փոխանակ պատասխանելու, սկսեց յօրանջել, աչքերը ճմրռել, որ լաւ տեսնէ, թէ մենք ինչ մարդիկ ենք: Նա նոյնպէս մեզ նման ճանապարհից էր եկած եւ յոգնած պառկել էր: Մինչեւ նա կը վերկենար, կը լրացներ, որ քունը փախցնէ, նրա բացակայութեան ժամանակ Թաթօս եղբայրը ծանօթացրեց մեզ նրա անձնաւորութեան հետ, թէ նա Բաղէշից է եկած, այնտեղի եղբայրներից է, ձմեռը տեղային դպրոցներում վարժապետութիւն է անում, իսկ ամառը շրջում է գիւղերում, քարոզ է տալիս, միսիթարում է եղբայրներին տիրոջ խօսքերով եւ այլն:

– Նա ընկկիզի լեզու էլ է իմանում, – աւելացրեց սուրբ գրքերի տարածողը:

– Ուրեմն միսիոնարների աշակերտ կը լինի, – նկատեց Ջալլադը:

– Նա նրանց մօտ է սովորել եւ նրանցից այժմ լաւ ռոճիկ է ստանում:

– Որքա՞ն:

– Ամսական երկու ոսկի:

– Այ՞դ է «լաւ ռոճիկը»:

Պօղոս եղբայրը մի գնդածել մարդ էր, մի աչքից կոյր, որ ծածկելու համար մուգ-ծխագոյն ակնոցներ էր գործածում: Նրա մարմնի բոլոր անդամները միատեսակ կոլորոած էին, կարծես թէ ծայրեր չկային: Մեր հիւրընկալի կինը, աղջիկը մի առանձին հոգ տարան նրա լրացուելու եւ երեսը սրբելու մասին, որը վերջացնելուց յետոյ եկաւ նստեց մեզ մօտ:

– Զրամանքնիդ որտեղացի՞ էք, – եղաւ նրա առաջին խօսքը: